

守
意
龕
詩
集

守意龕詩集卷十三

三韓 百齡 菊溪著

壬子

正月六日夢禪居士靜菴孝廉煦齋公子過頤園

小飲疊舊韻奉簡

翦翦霏霏點石闌
梅花迎歲破清寒
閉門差喜塵心遠
得酒同開笑口難
敲到菜根應想味
聽來鳥語亦增歡
去年賡和詩猶在
春蚓秋蛇繞壁看

人日再疊前韻

鴉聲催曙漏聲闌
曉起濃陰釀薄寒
好雪一年飛白早

冷飛白
雪詞也

春風明日踏青難

時尙未立春 蜀中以正月八日爲踏青節見蘇穎濱詩

註

樽前客共香醪醉堂北人承菽水歡夜半步檐新月

皎斗牛光倚鳳城看

立春前一日東郊草廬遣懷

六尺車衝十丈塵得來茅屋便清神
吠停村犬爭迎客飛過山禽欲喚春
桑柘煙中宵挂月枌榆社裏醉歸人
一溝水作桃源想未許漁郎更問津

一枕松風近墓門夢中彷彿侍晨昏
兩年不信兒無怙百歲難教淚斷痕
析尙有薪愁獨荷飲長如水靜思源
此身可是知途馬或恐傍人笑僨轅

吉菴索近詩雜錄一冊贈之並綴四韻

著作承明憶舊廬廿年藜火照攤書那知無用同芻狗
枉說成仙有蠹魚鏡裏春容難刻劃筆端秋氣待驅除
君家驥子男兒好

謂賢郎
錫麒

他日登壇或起予

上元前一夕宿郊廬

繞巷花紅火樹連萬人如海

鳳樓前喚誰轉過繁華眼來共荒村看月圓

題王樓村前輩十三本梅花圖依紀曉嵐館師三
首

換骨香同九轉沙羅浮誰許夢仙家探芳要藉和羹手

管領東風第一花

一樹梅花一妙因寫真休以幻爲真華嚴劫後題詩客
六十年來剩幾人

認桃辨杏總休論索笑巡檐憶舊痕一樣春光圖畫展
生香不斷樹長存

題王少林太守藉山園圖

栗里詩人宅龍門太史家前徽餘畫本清夢記梅花

令祖

樓村前輩有十
二本梅花圖

睥睨山川古遷流歲月賒舊飛堂有燕

新植樹棲鴉贖豈官錢借

園屢易主今
復歸少林

工因哲匠加軒

亭重位置水木益清華愛識先人器歡迎太守車隨身

惟卷軸留眼到桑麻白髮春長駐

時少林奉夫人之任粵西

太青

箱業可誇宦成應載石添看翠谿衍

坦園親家許授

國書久不見教詩以促之

開天制文字蚪蚪應星象我朝

聖人作國書萬流仰喻義穿龍梭結體織魚網鄉音少
長習衆口同一響邇來桑梓中於此或不講忘本俗漸
偷失業福安享聞君稟庭訓

召對蒙

上賞吞吐珠在舌揮灑九弄掌有時譯塵卷老宿皆折

穎千秋此道豚何弗推而廣嗟予鈍根人况來自草莽
臨文心苗枯出話舌本彊謬隨鸞鶴遊敢效雞犬放毫
光拜佛頂一照大千願學鶯吭圓莫笑馬齒長

寄懷祝芷塘前輩

時主松江講席

神仙一品骨嶙峋誰信江湖作散人屋上月添三夜夢
苑中花詠廿年春難忘節序杯同把不朽文章筆有神
過盡浮雲天放眼要看重現宰官身

六峯青冪講堂虛門外長停問字車才子地留崑圃玉

華亭崑山由

二陸得名

先生囊貯上清書風傳竹吹秋懷健

時接中秋

所寄書

雨滯苔痕舊跡踈更憶襄陽老詞客年年空食武

昌魚

謂楚北劉
觀察純齋

題二喬觀兵書圖

銅雀春深阿瞞醉吳宮夢入煙花隊半壁東南少女風
貔貅夜警鴛鴦睡畫筆誰描妝閣影美人忽壯英雄氣
攻皖之役得二喬花開姊妹並頭嬌伯符公瑾總角好
各擁秦樓奏鳳簫濡須水隔巫山雲烽火連牆繡閣聞
夫人未擊城頭鼓娘子先籌閫內軍一卷陰符凭肩讀
龍韜葉葉蛾眉蹙寄語孫郎帳下兒空悲漢室中原鹿
討逆曾聞誓破曹况憐夫婿是醇醪從禽若阻丹徒獵
一炬應看赤壁燒吁嗟乎傾國傾城莫浪猜調脂還擬

畫雲臺木蘭一曲從軍詠巾幗寧無曠世才

題蘇若蘭迴文織錦圖

條條別緒長寸寸機絲短不厭百千回織得郎心轉鼓
角江頭幕府開巫山雲雨夢陽臺藍田玉種煙猶暖青
鳥書傳信已乖孤陰一何苦宛轉弄機杼縱復橫兮九
回腸斑陸離兮五雜組可憐八百四十字字字鵲紅濕
翠縷何日雙棲玳瑁梁當時在作胭脂虎吁嗟乎織素
織縑喚奈何無情休笑竇連波閨中若佩宜男草江上
何勞擊楫歌君不見小婦長隨大婦行白頭那不重糟
糠憑誰碎翦迴文錦化作青鸞六百雙

蚊雷

轟雷笑失箸晝雨過長夏誰令一震威亦許微蟲假翩
翻聚白鳥列市若相逐聲初闌林莽勢漸撼亭榭詎走
豐隆鞭似速阿香駕虺虺誤掩耳攪夢屢驚咤何來遽
集此直欲三三舍爾衆我則孤饒口吁可怕驅除待雪
霜清淨萬緣罷

園夜

空庭老樹碧煙含晚聽鴉聲過兩三夜半雨晴雲滿地
小樓東北月西南

蘭巖春怡齋小集

限他字二月作

銀鹿傳牋載酒過東風亭院得春和九衢塵土閒人少
萬里雲霄健翮多書便埋頭空復爾詩猶折職况其他
姓名曾註神仙籍回首頻驚弱水波

晚坐

卷石生雲一逕通晚涼人卧翠巖中竹陰不定棗花落
牆外吹來黃雀風

殷孺人輓詞爲及門殷東夫孝廉妻車氏作

林下風能助鮑宣鹿車爭誦少君賢晨昏膳潔蘭陔畔

靜好音流井臼邊猶憶關河春送燕

時及門殷東夫
客遊正定郡遽

驚兒女夜啼鵲一官他日悲元九營奠營齋十萬錢

占口示陳生超

一重烟樹一重山
惆悵看雲獨掩關
坐待海門秋月滿
大光明裏豁心顏

三月三日郊行

今朝賜火兼修禊
佳節難逢併疊辰
花塢樓臺紅雨膩
柳溪門巷綠煙皺
誰從廢塚悲華族
每聽流鶯想故人
濁酒攜同田父飲
未妨簑笠著吟身

題畫

爲慶大理曉楓

山翠入亭煙漠漠
荷香浮沼綠差差
分明人在西湖裏
只少扁舟號總宜

軟紅堆案簿書盈十二銅街觸熱行安得共君偕野鶴
水雲涼處坐敲枰

盆魚同坦園作

梧陰絡地菰蒲秋夢回枕簟臨清流山泉一掬訝萬頃
赤鯽公作逍遙遊圓孟安貼妙虛受涵育坐見魚苗稠
或出而躍儼縱壑或潛以伏疑吞鈎好風每助波浪濤
細雨最憶林塘幽斜光瞥眼劃寒綠燒尾片片明霞留
此中數罟不可入忘乎江海夫何愁君不見道中涸魮
呼莊周升斗難貸監河侯與君觀水悟發漚濠梁之樂
君知不釣竿何日江上舟綠簑青箬家長浮

題星實銀臺潞河督運圖

圖係銀臺丙申年任坐糧廳時作

潞河轉漕接江淮壩口檣帆雁齒排百萬歲輸關大計
經營誰識使君懷

測水量沙日幾經轉船未許役夫停柁樓高處頻回首
一路歌聲送福星

牙旗風定浪花收楊柳霏煙綠上樓感我十年秋水思

一灣涼月伴沙鷗

壬寅秋日蕭玉亭前輩曾招遊潞河登大光樓

楚稻吳粳歲出陳租庸都是太平民不耕飽食嗟何補
粒粒盤中憶苦辛

次蘭巖雨中招鑑溪坦園春怡齋小集韻

鳥味吐火黍頭焦一雨癡龍氣不驕望歲有心同日定
得錢沽酒隔城要攜來好句看山色

時蘭巖至
自灤陽

坐向濃

陰遠市囂祇有棘人悲負土晚風斜日墓門遙

晚眺

淡煙疎雨草萋萋近墅遙村望欲迷野水紋隨斜岼轉
亂鴉聲逐夕陽低拾來好句停雙屐消得名心把一犁
何處寺鐘敲斷續晚風吹過石橋西

次答蘭巖三至灤陽感舊見懷韻

雲劃天門睥睨寬碧城朶朶路千盤重來詞客猶簪筆
老去雄心合據鞍柳暗舊堤沙漲改月明孤館漏聲殘

要知佛眼歸平等萬象升沉一例看

先生屢易官而意恬然

奉轡清塵繫舊思十年兩度効驅馳青山影裏朝盤馬

白雁聲中夜和詩聞笛動心無好夢

丙申乙巳同余扈從灤陽者阮屠山

司寇圖時泉瑞芝軒兩閣學今俱下世白西厓前輩亦已解組矣

搏沙放手不多時最

憐我似春蠶老猶傍桑陰日吐絲

題周棟材同年桐陰課讀圖

碧梧陰澹紙窗虛下直蘭臺晝景徐怪得閉門排日課

爲兒新買五車書

不必金多羨滿籬傳家最好是書檠煙樓撞破先生笑

讓與人誇雛鳳聲

膏油曾記廿年焚老去心情似懶雲我尙無兒君髮白
樂天詩句好平分

香山有髮白無見詩

徐鏡秋以翰林出宰荆溪賦送七排二十韻

香案前頭

口勅宣天風吹墮玉堂仙名能不朽官何擇儒本非迂
業定傳畢竟長才堪作宰未妨小試說烹鮮歌驪最惜
分分撒炬難忘視草年橐記金銀皆妙管唾驚珠玉
得佳篇禁中頗牧頭銜貴書局嚴徐腹笥便海岱春深
雲護輦塞垣秋迥月臨邊材多翹秀端稱楚石藉磨礪
不寶燕出入十年翔步久從容三接沐

恩偏

以上紀鏡秋提調三分全書暨扈東隨園木蘭典試楚南復命召對之事

蹕山

已看芸

館推前輩乍睹文星換舊躔

聖世何嘗輕外吏宦途須要凜深淵延陵况屬蟠龍地

陽羨猶多種秫田料有歌聲迎竹馬待將新政示蒲鞭

風塵莫笑腰頻折鐵石從教志更堅棠舍陰濃閒放鶴

印牀花滿夜調絃攜來范甌清冰映奉到潘輿綵袖翩

太夫人就

養官署樂事遍傳仙吏蹟循名應付史臣編肝腸與

我都無隔翰墨同君別有緣鴻陣遠移江路影柳條難

贈

御溝煙樂天他日懷元九惆悵狂吟字一千

香山詩狂吟一千字

因使寄
微之

鑑溪于役灤陽口占送之

山中猿鶴久徜徉忽踏紅雲到日旁天意要君除熱惱

一番好雨一番涼

啓行日得雨

茲遊奇絕出風塵馬上微吟畫裏身遶朱關山秦漢樹
一齊排着待詩人

壠上作

荒荒野煙白莽莽林葉翠蕭蕭鴉陣翻索索紙錢墜清
風揚素襟萬壠動秋意鯉庭日益遠悽惻拜幽墜縱有
百年身祇此兩條淚

詩禮非無聞負荷非無事年華供玩愒瞥眼四十四情
歡衆弗覺境迫顏易瘁寥寥平生懷出處兩難遂斜陽
立孤影令名誰克嗣

三月十九日同人崇效寺看海棠小集陶然亭余
以事未至明日鑑溪賦長律四首見示次韻奉

答

城南春訊梵王宮玉蕊唐昌舊蹟同佛座曉煙浮瓦白
僧窗晴日暈花紅香從簷蔔林中悟心到華嚴劫後空
頗怪海棠仙品格也隨桃李媚東風

沙路無泥柳蔭長官閒未惜馬蹄忙野田潯水晴抽麥

守意龕詩集 卷十三

粉堞流雲翠覆岡三月鶯花春醞釀九天樓閣氣蒼茫
袂辰纔過幽情暢觴詠重增翰墨光

醉翁名字認依然俯仰孤亭歲月遷翠竹碧梧新氣象

間陶然亭近玉蕭金管舊因緣十年前曾同陳時齋司馬亭上聞歌無多

酒伴逢春約幾度文星拂座懸謂蘭巖樸堂諸君截斷衆流清

不滓出山泉似在山泉時鑑溪復出筮仕來詩有生憎俗吏走風塵改得閒官慰故人

之句

附驥常思共撫塵辛曠書願附驥尾撫塵而遊閉門翻作倦遊人一

生多累無清福半日看花有宿因想到煙霞情爛漫唾

來珠玉句鮮新藥欄不遠豐臺路婪尾尊開及令辰

結交行贈王吉菴

隨身竿木逢場戲斷金誰卜同心利張陳貴後勢不完
管鮑貧時交易棄逢君便作宿世想勸君莫灑窮途淚
擊筑高歌興未闌十千沽酒還堪醉曾聞聚鐵鑄肝腸
曾見然犀照幽邃獨行不假驅驢負兩美要防尹邢忌
英雄身是舊干將躍冶翻爲不祥器吁嗟乎天地生吾
有意無鯨翻滄海鳳棲梧眇小何能識丈夫此言雖淺
理不誣掀髯莫笑迂儒迂

慎交行

禿襟繡襦遊俠少年場千金市駿騰脂色一劍懸腰

霹靂光朝出東門行暮投北里宿殘客敲門粟指困美人論價珠量斛到處傾城菩提心有時努見金剛目可憐溝水自分流反眼何人識故侯點金恨乏神仙術攘臂空貽善士羞嗟乎呂虔刀范叔袍世間幾輩投漆膠君不見舊雨飄零今雨散人心不同如其面

不寐

如豆燈含壁角青枯牀獨卧夢忪惺百重愁積城難破半夜寒深酒易醒瑟瑟簷牙驚宿鳥動搖窗隙瞰飛星人間枕上多蕉鹿絕好雞聲不肯聽

醜婦吟

出門拜耶孃入門拜姑嫜明珠翠羽黯無色蝸僕人嗤
貌不揚可憐身手好兒女賣笑不及朱樓媚風冉冉兮
春花簇月盈盈兮秋夜獨昵郎低首喚卿卿攢眉又向
東家宿自解明璫斂鬢絲質春長伴伯鸞妻玉顏莫便
誇金屋尙有長門買賦時

爲羅兩峯題秋林飛瀑圖

連林秋入紙窗虛複嶺層巒挂壁初一夜夢穿青玉峽
萬泉聲引到匡廬

黃塵烏帽鬢毛摧展卷煙霞首重回那得約君雙不借
翠微深處覓詩來

飲蘭巖學士齋中讀其詩冊題後

醉卧空堂夢不成
寂寥還對一書檠
文章誰潤昇平色
富貴能垂宇宙名
過去朋儕皆幻影
得來詩句是秋聲
琴絃莫爲知音改
流水高山萬古情

卽事

苦言爲藥耐追尋
一紙書同萬鎰金
身在也知名是寶
氣矜無奈酒忘箴
望深朝暮慈親訓
化盡貪嗔老佛心
自展陳編論尙友
敢將游俠易儒林

高蹻

丈夫眇小詎堪嗤
木似能升健步移
百足不僵誰倚附

一頭初放藉扶持行空祇恨飛無翼踏地真看立有錐
寄語人前休俯視從來高處要防危

門神

得傍高門氣便伸紆青拖紫一番新可能瞰室常無鬼
不信當關尙有人跋扈將軍看欲避風流丞相近疑嗔
誰知戶外年光轉冠劍飄零迹已陳

火判

春宵疑傍火城遊土偶驚人烈焰浮難得近前常炙手
居然上坐是焦頭患同焚齒看誰悟光已燃臍照不休
明日東風灰燼冷就中可有赤心留

倒掖器 一名琉璃漆

何嘗金鐵許爭鳴一片琉璃質本輕未必堅牢常在手
略經呼吸便傳聲門前直訝等同濫壺裏終難玉比清
驀地吹來風信早賣餠簫已度春城

西洋景

盈尺乾坤徑路通望洋真覺目難窮逍遙身傍壺中日
縹緲山移海上風誰道煙雲多變態只看樓閣在虛空
繁華閱遍須臾景鼠穴牛車幻夢同

車燈

登車真見有光輝佳節挑燈夜啟扉懸向鼇山看並駕

撤來蓮炬載同歸
熒熒六月似推輪
轉點點珠疑照
乘微軒輕漫誇當路影
可憐縣薄怯風威

爆竹

兒童隔巷聽轟厖
響逐春風動地來
本爲驅魑同裂竹
翻疑起蟄驟驚雷
煙纔過眼千尋落
火到焚心萬片開
狼藉堦前悲故紙
歲除聲裏重低徊

綵燕

紅襟疑出杏梁東
翦采翩翩妙製同
鈎勒春光連畫鴨
侵尋花影傍釵蟲
可能學語頻移壘
竟欲斜飛巧受風
寂寞烏衣懷舊侶
頡頏幾見羽毛豐

紙鳶

翦紙何能傳羽翰
戾天鳶訝破春寒
飄搖且放乘風去
輕倩還同刻本看
直攬鳳輝千仞上
肯隨烏影一枝安
飛揚跋扈翻愁汝
操縱因人撒手難

春日信宿東郊草廬遣懷五首

野色忽開眼
風光又判年
水融千澗雪
柳聚一村煙
人意悲寒食
鴉聲噪墓田
過庭疑有路
不道隔重泉
頗有田園興
耕夫共往還
扶犁春晝雨
側笠夕陽山
無計能療俗
何時竟賦閒
名心留百一
堂北侍衰顏
愛此重茅屋
真成一畝宮
夢回花影外
人憶鳥聲中有

命誰憎達航詩莫諱窮茫茫身世感都付馬牛風
暝色鐘聲定天圍萬壠陰山川春浩浩燈火夜沉沉高
枕驚星落孤墳詫鬼吟平生悲壯氣到此倍難禁

回首青冥上驚心白髮生已成孤露影誰辨爨桐聲書
尙無兒讀田因養母耕問年差蔡澤差有自知名

報國寺觀傳雲水陸畫壁次楊念園先生韻

丈人學佛隨遠公譚禪一指如天龍登堂睥眄萬象豁
煙篆繞壁雲童童陡窺善相玉女笑旁羅醜怪金剛從
羣靈雜沓不可辨慈航大海波朝宗六塵淨洗貝葉雨
九品香泛蓮花風莊嚴便是祇陀界縹緲那有蓬萊宮

現身說法佛力廣離慾者誰嗟塵濛濛
真宰上訴虛無中天梯石磴杳萬仞卓哉詩筆開蠶叢
連蜷嘉樹認娑羅小院秋分曳履過知是攜來脩月斧
最高寒處得花多

題友人桂林獨坐圖

一枝標格桂堂東落子頻驚鷺嶺風誰識大千香世界
盡歸迦葉笑拈中

夜坐

作於東郊草廬

楓林纖月挂西峯羃地春陰入夜濃掃葉燒殘村竈火
隔城聽打寺樓鐘名驩垓下將軍死賈婦江頭逐客逢

都是人間可憐事幾回開卷涕霑胸

生日

悠忽光陰爛漫身已成四十四年人終天恨灑孤兒淚
時世妝慙醜婦嚙禿頰更誰收退筆役形常自惜勞薪
亂書堆裏垂頭想罔極難酬是此辰

疊前韻酬星實少銀臺和贈之作

下士每慙聞道晚豪情漸與壯顏消蘭臺罷直松楸感
蓬島回頭歲月遙筆陣請從長勺戰詞源看湧浙江潮
平生慧業勞延譽乞示禪宗柳栗條

星實銀臺過訪不值明日詩來繩夾約之愆再疊

前韻答謝

頻驚貺我新詩好最喜從君鄙吝消暫往比隣貪坐久
空令車馬入城遙題門字敢羞凡鳥馳扎聲疑挾怒潮
他日深盃甘百罰只期觴政布寬條

頤園聽雨同德樹堂作

得心字

鈎輈屋上喚山禽坐徹園扉樹樹陰難得故人消永晝
況逢好雨滌煩襟溜穿溝水聲初活雲壓檐花勢不禁
五日再遲無宿麥浹旬重沛是甘霖蕉窗拉雜踈還密
苔逕評量舊與今積霽潤添書幌靜隨風涼入酒波深
每從圖畫論蓬島

余向有玉堂聽雨圖

定有詩篇詠泮林

時樹堂擢司業

翦燭夜闌更漏寂對牀忽感廿年心

題畫

一角濃皴半面開好風消暑夢低徊
白雲黃葉秋如許合着詩人覓句來

烏帽黃塵二十年青山好去坐無錢
茅堂畫裏忽開眼想到楓林夕照邊

頤園雨中小集卽事分韻得如流字

六街塵不到蓬廬嘉樹陰濃晝景徐
風定乍看雲出岫

客來真見雨隨車
牲醪芬苾天能格時禱雨
珠玉評量黑龍潭

價不如扶起禾頭生上尺萬家蓑笠夢維魚

况值佳辰圻酒筵梅炎藻夏麥迎秋一聲到耳憐鳩語

百歲關心數鶴籌

是日為家慈壽辰

生計頓增南畝望宦情猶

為北堂留婆掌宰木甘膏渥猛憶松阡淚暗流

時為先嚴墓田

種樹

鑑溪改官學博寄賀

烏鳬飛已近楓宸上考爭誇漢吏循

鑑溪由廣南保薦入都需次十餘年

矣

庖刃解餘芒不賴樵柯爛後局翻新何嘗治行無他

術畢竟師儒要此人擁膝六堂絃誦裏可能藏過宰官

身

才子聲名類壁光卅年題壁墨留香

鑑溪早歲肄業成均久領聲望紛

綸自具九經庫美富重窺數仞墻猶有對牀詞客在

謂樹

堂步同成况無堆案簿書忙蠶鹽風味君應慣他日相逢問

瘦羊

于漱六招飲卽席作

平生意氣膠投漆一夕淹留爪印泥咏絮我常憐謝女

登堂人許拜龐妻暮年壯志看猶在

謂吉菴

驚座狂言聽

不稽醉踏寒蟾冰上立夜鐘聲過石橋西

題徐條甫編修家慶圖

五色雲開九疊屏一家光映老人星名花盆壽蒲添節

無限春暉在鯉庭

陳風使慰望雲情雨奉安輿八座榮

條甫兩度視學
安徽迎養署中桃

李陰多絃誦滿采蘭陔昨日吹笙

桑果敷榮手自我分甘長見壽顏開藏書萬卷兒孫讀

鳩杖前頭問字來

家風萬石頌江鄉作善從知降百祥他日

璽書褒五世朝衫圍座笏堆牀

四月三十日西苑考差明日過訪蘭巖學士于翰

林直廬賦簡

樓頭山色含雲重隴畔鳩聲喚雨忙長日仙園花駐景

隔宵文陣墨留香藥籠誰蓄三年艾射圃應穿百步楊

枚叔馬卿零落盡

謂園時泉德樹堂瑞芝軒諸公

看君真似魯靈光

水木清華舊跡尋一條冰感廿年心驚鸚鵡健筆摩空賦
夢蝶連牀聽雨吟早秀花難貞晚節半焦桐轉愧知音
文章有命終須達塗抹休憎鬢雪侵

閏四月十九日補官西臺紀

恩述懷二首

一樣

恩除鐵柱官前番猶見阿爺歡過庭日悔昏懵負許

國身言報稱難

霽色近從香案接

引見日天顏溫霽

憂懷頻捧詔書看

時久旱聖慮

焦勞恤刑給賑感天心到底憐蒼赤一雨崇朝萬戶安

謬算狂謀百事虛廿年今是夢醒初敢期養母千鍾粟

尙戀隨身一卷書塵暗短轅輸駿馬風迴大壑瞰潛魚

推排試問霜臺侶上坐橫牀可讓子西垣舊例資格深者首座今余已忝

居前列矣故戲及之

補官後謁先大夫墓

朝衫猶殢舊風埃驄馬行遲首重回不畏捉將官裏去

最憐空向墓門來承家誓守清勤訓涉世慙非幹濟才

想到九原兒失怙宦情纔起又成灰

題阮方圃秋林讀書圖

淮海秋風木葉稀
清芬人誦巷南居
誰知京洛緇塵裏
尙戀隨身一卷書

老屋橫街晝閉關
幾人能放此身閒
春華努力原常住
莫感秋聲在樹間

食字成仙信有期
箇中三昧蠹魚知
賜書樓上五千卷
暇日從君借一瓴

再世論交掩卷思
年光瞥眼鬢成絲
一杯酒共山公把

小雨濃陰駐馬時

乙巳秋扈從灤陽有林陰不斷全遮屋小雨無聲忽到鞍之句 尊甫司

寇見之遂下馬定交

題老人曳車圖并敘

圖中一簿笨車男女雜坐其上雞棲輶犬繫軸
一老人曳之前行蓋以喻人生之輻輳塵緣也
汪雲亭郎中屬余敘之爲抒其意並系以詩

天地遽廬看光陰都成過客風塵轍迹問宇宙誰是
閒人持門戶以全生阿奴碌碌詠役車而卒歲良士
休休同爲擔荷之身各有室家之累豈云老諄不念
子孫若許馳驅任呼牛馬故長子名爲家督思艱底
作室之基而丈夫志在四方負重合出門之轍若乃
攜來八口載彼一車長柄短轅穉兒嬌女儼浮家兮
泛宅羌戴月兮披星雞犬隨行似舐劉安之鼎驂騑

開道空題司馬之橋歲冉冉而援手何人路漫漫而
息肩無地此入室所以深交謫之憂而行役不能忘
獨勞之歎也徒見夫團團舊跡安樂成窩朱輪揚門
第之華白首偕瑟琴之好名駒汗血畫軾皆熊油壁
香塵挽車非鹿順以巽而家人貞吉生則逸而老子
婆娑唯爾多財絲竹管絃之盛謂予不信東西南北
之人曳輶輶之雙輪朝秦暮楚遲遨遊於五嶽女嫁
男婚居然到處爲家但可逢場作戲勞勞亭畔雨雪
情懷僕僕道中風塵面目然而大任必先苦志英雄
無奈多情非我莫能干卿甚事本是扶輪之手定筭

天馬以騰驤縱無推轂之時肯傍人門而翫麟憶昔
年析薪垂訓每呼小子聽之至今日伏櫪哀吟敢曰
老夫髦矣髮雖短而心長不作顧婢丁宜之態途未
窮而日暮究係爲誰辛苦之謀嗟乎六合而遙一門
之內大婦小婦中男少男誰忘太上之情自了前生
之債頭顱如許信天鳥尙呼翁腰腳堪誇識路人原
似馬君真健者佇見高軒呵殿而來僕本恨人且乘
下澤逍遙而去載吟短什用寫閒愁

出門各有管義御不肯住顛倒兒女手白髮猶內顧此
身如勞薪此心若轉轂家人載言笑意恐反中路堂堂

兮歲華渺渺兮天涯驍驍萬里向空濶丈夫何必愁室
家君不見憑軾森嚴虎豹師採風誼度輶軒使銜橈原
無泛駕憂飾轅一雪虛車恥吁嗟乎人生到此其可已
矣不然那得九州之內處處車輪方鴻妻驥子終吾身
以徜徉

星實鴻臚囑題夢蘇草堂圖

翩然入戶曰起起有客在門蘇夫子海上仙雲笠屐裝
足音到耳蛩然喜真耶夢耶渺莫辨心祝峨嵋香一瓣
詩源遙濬萬斛泉註義新裁錦繡段

宋人有蘇詩註
號東坡錦繡段蘇

門學士是前身白鶴峯前小築新西湖擬約採梅侶東

府還偕聽雨人披圖煙樹鬱蒼翠詩境迷離無盡思願
君速辦草堂貲我欲攜壺問奇字

閨中卽事次鐵冶亭侍郎文芝厓洗馬韻

短檐燈火氣銷沉廿載重來鬢雪侵

壬辰禮闈迄
今二十年矣見獵

尙存摩盾想當官深愧讀書心樓傳鼙鼓中宵警壁篆
蝸涎舊句尋忽報龍門開秘鑰好風吹送鳳鸞吟

一縷烟籠萬瓦霏吟聲低趁雨聲微處囊錐擬毛生脫
去墜斤憑郢匠掉地迴連牀文宿照晝長分簡墨花飛
陳風要藉扶輪手冰鑑秋揚桂月輝

成警齋少司空和前詩見贈次答二首

雲腳低垂雨氣沉瑤階泥滑綠苔侵一聲雷記燒魚尾

十石弓慙貫虱心賦到都京詞愈老少司空居奉天數年著作益富別

來蓬島路難尋時追話詞垣舊事誰知寸晷風簷裏重與煎茶

續舊吟

風定簾波澹夕霏靜中開卷悟深微時校錄繙繹士子余素未諳國書

是夕聞少空人皆騏驎空羣過字比龍蛇妙手揮老入

局愁棋着錯少京兆龔簡齋提調閣事部署唯謹少從軍拂劍光飛阿遜齋統

領述昔年夜闌更翦如椽燭四照花聯朵朵輝

出征事崇效寺夜簡宋奕巖觀察

粥鼓聲停梵唄宣一龕燈火接諸天閒尋勝侶同參佛

老退文心靜入禪戒定慧原真法藏去來今是妙因緣
跏趺坐向曇雲裏舍利光分顆顆圓

紛紛茵溷墜空花去日難留赴壑蛇只有達摩能面壁
何嘗靈運解忘家諸緣欲斷心須死彼岸同登路不賒
底用襲他仙吏跡遠尋勾漏問丹砂

送張玉峰葛菱溪出都

又向秋風別含悽對酒樽功名如蜀道詞賦憶梁園白
髮論交久青燈照眼昏相看皆老醜往事夢無痕

齊魯山光合關門海氣寒

玉峰之瀋陽菱溪赴山右

故人攜彩筆詩

思滿征鞍客易登樓感賓憐入幕看小春梅蕊發芳訊

報長安

讀友人詩草題後

掩卷空餘太息聲
世間此事有公評
能離我相纔成佛
不死人心枉噉名
六代江山才子氣
一舟風月美人情
文壇筆陣非兒戲
可要輕馳細柳營

坦園親家借書賦簡

細檢蛛絲辟蠹魚
爲君開篋意躊躇
十年秘閣吹藜火
曾讀人間未見書

識字深慙腹笥貧
一編藏弃是家珍
鄴侯插架知多少
整整牙籤觸手新

只有青燈味可思
旬休多是下帷時
此身不向糟邱老
莫慮還書少一編

樂賢堂夜話贈煦齋孝廉

步履相過不厭頻
通家孔李舊交親
好看庭樹添新蔭
得傍書燈是夙因
愛日可能戈駐景
生花纔見筆通神
五陵裘馬諸年少
閉戶如君定幾人

起草挑燈業未精
文章老我愧無名
刻成宋楮三年誤
聽到琨雞五夜驚
益友未妨憑似几
好書難得擁如城
何當共踏瑤臺月
十二樓頭譜玉笙

雨傘

團扇形兼摺疊工雨來擎看竹玲瓏
屐邊泥滑纔停步
頭上雲多巧障空
流潤不須張綠箬
滴聲渾訝聽烏篷
落花芝蓋飛難擬
一笑誰持破屋中

破屋持雨傘
見坡公詩

風門

一樣安樞任往來當風不與戶長開
峭寒門外晴遮雪
虛白窗前淨隔埃
簾捲尙留烟幕
懸梁空不放月徘徊
梅花紙帳看應誤
疊鎖重關莫浪猜

小崑香巖兩弟同領鄉薦詩以誌喜

槐花猶記隔年時
瓊璫同吟下第詩
尙恐基難爭一着
何期花竟發連枝
青箱舊業絲先澤
白髮歡顏慰母慈

盼汝名成翻恨晚鯉庭回首淚雙垂

三世韜鈴閭外臣榮叨稽古列儒紳登科紀歲先開子

余先世俱官右職

先大夫始舉甲子科孝廉嗣

子於戊子叨鄉薦計今壬子又二十有五年矣

卜宅

占星近拱辰

先大夫筮仕後由承德府移居京師

敢謂源深流自遠須知

功到業斯醇榜前試看孫山外迥異青衫失意人

笙簧聽詠鹿鳴篇似我簪花廿載前輩序雁行真後進

名題虎榜是同年平生屬望纔開眼他日飛騰或並肩

久伴蠹魚書裏住只疑食字竟成仙

尺璧何能抵寸陰年來春坐絳帷深鳴絃共切知音感

謂司衡諸公

去聖頻煩哲匠心冬耆歲餘書映雪筆之花放

杏成林蓬壺只在東瀛畔一棹乘風路可尋

壬子冬月之任瀋陽留別舍弟

星霜逼歲尾僕馬臨王程之官胡不樂感此離別情同
懷握我手願我遲遲行臨分千萬言欲吐淒無聲丈夫
貴自立努力崇令名兩心足慰藉千里如合并堂前有
雙槐本固枝則榮勉爲謝家樹勿傷田氏荆

長跪捧除書驚定淚不止九原念我父不及爲兒喜兒
猶襁褓身淹忽踰四紀名成竟何益覲然愧人子追維
過庭訓奉爲從政軌

君恩重山岳此是馳驅始出門望東阡夢繞松楸裏

遼瀋服先疇桑梓風欽仰乘輅奉老母竊祿供頤養
輿穩如舟山驛平似掌莫虞冰雪途茲行爲鹵莽行者
邑欣欣居者意惻惻慰予陟屺心增子望雲想

承家頌祖德弓冶求其良競爽式前躅蘭蕙同其芳先
君涉世久忠厚有餘慶小子忝家督負荷弗敢荒古人
重門戶碌碌庸何傷室有琴與書郭有田與桑可以弄
柔翰可以奉蒸嘗開我頤園門掃我愛日堂我歸自東
土風雨仍對床

定福庄外戚友

改官非分夢難期雨雪霏霏賦載馳豐沛定多佳子弟

膠庠深愧大宗師年來未灑臨岐淚別後應添憶我詩
本是上林同隊鳥不堪隻影忽分枝

烟郊旅夜

未覺

帝京遠初程百里過雪夜烟氣合冰裂海風多官職清
猶此文章報若何寂寥燈火暗耿耿對星河

三河懷五坦園侍御親家

桑柘寒烟護短籬三河斜抱一村移東屯舊有重茅屋
下馬尋君題壁詩

竟日車行犂确間霜風吹髻雪凋顏前頭更有銷魂處

一髮青稜是別山

玉田有別山

玉田行

滄海東迴碣石口羣山勢挾孤城走中有昀昀一稜田
當年種玉神人手伯雍舊是婁人子至孝格天昌厥後
白壁雙蟠龍鳳姿紅絲暗繫鴛鴦偶神仙示幻理不誣
丹砂點石粟成珠秋風立馬古原上猶有暖烟生滿途
問君千耦穫幾多人間心地有嘉禾要留黃雀銜環日
莫唱宏農得寶歌

榆關

天上星榆照戍樓一關名向北平留聞雞茅店五更起

飲馬長城萬古愁兄弟食薇能讓國將軍射虎不封侯
寥寥翠嶺丹楓外放眼燕雲十六州

山夜

行到人間路便難玉京回首五雲端十年照我天街月
忽向盧龍塞外看

臘月范家店題壁

笑說鄉月展壽顏板輿歡奉道途間日原可愛冬尤暖
薪本能勞夜不開一勺寒泉孤竹廟萬尖晴雪薊門山
兒童臘鼓村村擊載路春風送出關

過山海關

羣盜中原勝國哀
關門東望喬雲開

王師入解蒼生厄

帝里祥鍾曠世才
驛遠風聲傳鼓角
夜深海氣入樓臺
棄繻忽憶終童少
候吏爭看擁傳來

出關北望平沙千里有
葱龍一線宛宛東走者
土人曰此柳條邊也
紀以小詩

秦關漢壘鬱蒼茫
都化清時日月光
一道柳條界中外
萬年根本固苞桑

西鰈東鵝走傳車
龍庭萬里不飛沙
年年鴨綠江頭水
吹入東風作柳花

長短柔條縱復橫
兩京門戶列金城
春深坐聽黃鸝囀
抵得防邊萬馬聲

硤砢松山接杏山
海波不動月臨關
馬頭遙界藩籬影
人在黃雲白草間

姜女祠

夫死一何慘
築城萬里白骨掩
婦啼一何哀
繞城三匝
青山摧城下
茫茫滄海深
此生銜石作冤禽
蛟龍夜半
激風雨駭浪難平
烈婦心吁嗟乎
叢狐鳴山鬼驚
祖龍
未死銷甲兵
蒼生何處逃
秦坑君不見
血淚斑斑碎城
堞報秦不藉咸陽火

望雲

簡書馳奉路間關六出飛花雪照顏半日別娘心萬轉
望雲遙數十三山

至瀋陽城

卜洛瞻王迹全遼撫舊疆六邊門鑰迥三面海波長
帝里金銀闕人家薜荔牆緬懷勤儉俗敦本是農桑

守意龕詩集卷十四

三韓 百齡 菊溪著

癸丑

入試院作

嘗任奉天府丞
兼提督學政

窗前闢路翦榛蕪
陡覺清暉到座隅
簾幕最宜春日捲
圖書肯使舊塵污
起居堂上承言笑
黽勉閨中計有無
一事關心愁不寐
號寒多少白頭儒

試院卽事示諸廣文

雨腳初停曉日佳
一塵飛不到庭階
東西界似鴻溝劃
先後行如雁陣排
試問處囊錐可脫
若非膽斗劍空埋

守意龕詩集

卷十四

憑誰繪出皇華句懸向諸君苜蓿齋

題得樹軒

桐柳椿杉莫更論小窗三面綠陰繁若添一品淮南石
也是襄陽致爽軒

覆閱落卷感賦

霜毫雨點落烏几廢卷堆如敗軍壘風簾官獨花照顏
瞥訝光芒出故紙沙中拾屑多黃金絃外求音或綠綺
何須虎旅誇燕領尚有蛾眉醫獺髓摩挲倦眼夜重看
彷彿朱衣暗中指返魂香到病骨立滋蔓草剪嘉禾起
敢云同是楚人弓得失無關彼與此心肝要令秋水濯

頭腦冀免冬烘恥費官論秀三物升九萬鵬程此基始
昂哉誰爲代北駒不然我亦遼東豕

喜聞香巖五弟捷禮闈

正倚東風望斗魁

日邊消息出關來蓬山直上千尋峻玉樹曾經廿載倍
片紙姓名心恐誤滿堂賓客首同回

走日 太夫人
壽辰賀客滿座鳳

簫添奏瓊林曲絳帳前頭晉壽杯

桂苑秋風數往還一枝才向月中攀藍田似種前番玉

季芬鄉會試俱出
談敬華先生之門

黃雀應探再世環尙惜惠連遲接武

四弟壽
莊被放

若逢司戶合低顏

謂王鑑
溪親家

瀛洲舊是簪毫地可

許

恩聯柱史班

賦得聞聲知情故日聖

得聰字

萬籟都含靜域中

聖人首出啓羣蒙聲從其類紛難紀情可爲田感遂通
有所聞宜參窅窅自然知不礙虛公智珠宛轉操之要
心鏡晶瑩照本空何處音還求寂寞一時象已著昭融
真心未必機先覺臆見猶虞部或豐始信化神稱絕詣
誰于耳順測淵衷

虞廷燭照元樞握執兩常欽達四聰

冶亭少宗伯索時泉芝軒兩閣學遺詩付梓感賦
難覓遺書盛孝標詞壇曾隔幾昏朝黃金欲鑄人何在
白雪重歌韻不調賴有驪珠隨處摘時冶亭採輯
旂籍同人詩肯令
鴻瓜過時消因君棖觸陳荂感夜雨秋鐙賦大招

七夕後三日鑑溪雅堂歸自灤陽以唱和詩見示

次答

萬笏青山立馬前峨嵋班退聳吟肩詩分壁壘成強敵
身到蓬壺是散仙夢醒鵲橋星已渡兩君皆有侍
史故戲及之年深
蟻磨日頻旋橐弓記得陪

雕輦懶慢於今壯志捐

七月廿九日泛舟一開簡同遊諸公

兩約遊期畏暑更

十日前途遊不果

水邊今喜嫩涼生得閒載

酒人原少破曉登舟雨乍晴斜曳長繩穿樹影卧聽柔

櫓劃波聲眼前便作浮家想各樣塵懷一例清

雲帆遙指鳳城東浩渺煙波海路通五閘轉輸今歲早

時剝運漕糧已竣

十年遊釣幾人同

王寅秋與蕭玉亭德樹堂諸君同遊

秋生斷

岼蘆花裏詩在橫塘雁影中捨筏更誰參慧業寺門鈴

語獨搖風

捨舟入雙林寺小憩

柳陰濃護野人居壩口聲喧放溜初十丈銀濤飛作瀑

一村花塢過成墟

某氏園亭已廢

低徊面訝觀河鰲

用楞嚴經語意

空

澗心同對鏡虛好是鳬雛眠傍母翠衿來往自紆徐

竹裏行廚火急催堞樓紅認夕陽回舉頭蒼莽雲歸岫

覆手淋漓浪拍杯老去誇張腰腳健

謂夢禪時齊兩翁

異時傳

賞畫圖開

擬巧夢禪寫秋泛圖

同舟尙有神仙侶乞與星槎貫月

來

蘭巖坦園復約中秋同遊

秋齋夜話次夢禪韻

履跡過常便情懷老更親夜涼燈火近坐久話言真知

命有窮達論文無故新

論衡文有先後無有故新

眼前樂晨夕幾輩

素心人

老結煙霞癖閒評主客圖龕深同佛卧樹小當僮扶詩

緒寒蛩雜秋心旅雁孤蒼茫話疇昔都似夢模糊

感寒不出夢禪過存余于頤園以詩見慰次韻奉

謝

經卷藥爐畔蕭然生暮愁早衰蒲柳質晚計稻粱謀我
夢清於水君詩健入秋夜闌重翦燭隔巷數更籌

次韻答蘭巖饋酒

各有凌雲氣蹉跎向暮年蓬麻猶自直膠漆定能堅爛
漫壺中日惜騰瓊裏天忘憂兼引睡對酒獨酣眠

中秋夜答蘭巖

沈寥天宇散輕陰城角風遙巷析沉猶是往年秋月色

不堪今夜棘人心驚聲老馬悲殘豆曳影寒禽繞舊林
料理閒愁君似我閉門同傍一燈吟

八月十六日夜對月次蘭巖韻

暮鐘敲散一城烟左界飛光月半天出匣鏡疑今夜洗
御風輪似昨宵圓素娥耐冷頻依座老桂霏香不計年
怪底先生吟思好畫簾人影鬪便娟

先生新納姬人因戲之

法時帆祭酒詩來訂文酒之約賦答

萬葉抱秋心蕭蕭墮寒圃西風排闥入助我蟲吟苦
營心不勞廢學日難補陳編叩元箸得十輒忘五掘衣
大雅堂趨步緬高武骨凡髓誰洗貌腴中則腐君舉大

將旗前驅我負弩卓哉淮陰侯肯與絳灌伍

閉門感搖落得酒顏色好犀首况無事日飲猶恨少黃
花明短籬開逕俗塵掃往來高陽徒布席亦草草先生

愁獨醒伴我糟邱老留髡須一石莫辭飲戶小

學士喜酒而不

多搔首天蒼蒼舉盃月皎皎醉鄉共枕籍一笑玉山倒

古意

車斑斑大道邊送人作郡年復年機軋軋孤燈下爲人
作嫁夜復夜夜年年愁更愁冷官貧女各低頭臣心
似水人皆見妾貌如花命不猶幾人臺閣珥金貂幾處
房櫳奏鳳簫七寶座陳招客詠十眉圖展喚郎描問儂

身是何人誤秋雨秋風佳日度只道馮唐老不衰那知
碧玉顏非故吁嗟乎晚進非無途晚嫁非無夫恩讐任
牛李門戶薄崔盧滿眼升沉若轉軸願君莫逐隍中鹿
天上應多白玉堂世間那有黃金屋

典琴行爲鄂虛谷侍御作

不換玉不博金

琴譜
二操

聲采采兮德愔愔一彈再鼓明素

心君之雅操如此琴昨夜秋風來庭梢落葉走笑指雲
和當驕驕呼僮將去貰美酒記得相逢爨下薪桐材依
舊鬢絲新築臺何日收名馬開閣居然放美人卽今惜
別同流水曲終不見情何已壁上依稀鸞鶴音人間嘈

雜箏琵琶

蘭巖齋中醉吟

秋風颯颯秋月白人與黃花卧籬腳聒耳難聞要妙音
澆腸且共昏騰酌酌君酒索君詩詩吟一首酒一卮古
恨今愁兩鬢絲朝登臺閣暮蓬島達人進退知機早可
惜營營萬種心高官未就年顏老君不見彭澤歸來無
世情門前五柳號先生座有琴書樽有酒北邙山下不
埋名

九日歸自東郊夢禪寫秋林覓句圖見貽賦謝

款段西風上塚回丹楓黃菊總銜哀故人自辦登山屐

時齋司馬

招遊未赴 獨夜頻傾濁酒盃到眼煙霞秋索寞置身邱

壑夢低徊蓋頭一把茅重葺

時葺頤園小廬

老星期君覓句來

秋夕有懷夢禪

暝色帶歸鳥重城積煙霧遠鐘破塵壒一杵一心悟茅
堂悄以深滅燭睡還寤懷哉訂金石去者委泉路流光
若疾矢放手那能住苦將汗漫情收拾到遲暮徘徊夜
已半漢轉斜光吐思君明月來孤吟傍秋樹

九月十六日金蘭畦同年招同范叔度比部崇效

寺看菊

連林秋入梵王家黃葉聲中日腳斜一瞬年光看到菊

令人回首憶春華

分盆纔見插霜枝已過登高把酒時

今歲節氣較遲重陽後菊未全開

天意要令珍晚節不須惆悵說開遲

三叉揀向竹籬根坐聽花兒匠細論只有黃金好顏色

一肩容易入朱門

花開時分致緡紳家黃者最佳

蕭蕭香散十分寒耐得遊人冷眼看佛座一枝僧乞與

爲君除惱似旃檀

寺僧爲蘭畦蓄佳菊

架上鷹次樹堂司業韻

奇毛驚見錦斑新風過軒楹欲攬身神俊料應工搏擊

莫教發縱祇因人

飽飢何必費防猜側目秋原日幾回
鳥雀啾啾狐兒走等閒難得下韉來

爲楊念園題梅花書屋圖

十年海嶠足風塵鹽筴經營鬢雪新
誰道歸裝無長物一枝攜得日南春

疎枝冷蕊伴吟肩修到梅花骨亦仙
檐雪乍晴窗月皎暗香應到枕函邊

九月念七日東郊草廬憶

廷試諸同人並簡坦園親家二首

遠山浮翠逼秋窗野水喧波貫石杠
尙有寒花貞晚節

最憐老樹倚空腔聽來苦調蟲聲壘寫出愁心雁字雙
猛憶大羅天上客龍文百斛筆能扛

種得前因福命齊雲霄容易陟丹梯少年同走三河馬
晚歲空驚五夜雞篤是天心無厚薄評來月旦有高低
與君只合推枰坐爛後樵柯莫更攜

蘭巖見和前詩疊韻酬之

授簡抽思近瑣窗摩空賦好筆如杠校書曾照青藜火
度曲誰翻白雪腔漫說吉人鳴鳳少須知飛將射鵰雙
蹢躅弱步君看我力怯干鈞不可扛

睥睨乾坤物我齊行空身到幾層梯鵲雖見嚇非爭鼠

蠅縱能喧詎似雞有智要看葵足衛忘情休笑黍頭低
城南十月春如海老圃香多酒共攜

是日往尋陳
時齋司馬

題古藤書屋圖

海波寺畔三弓屋酒伴吟朋履跡殘只有古藤花不朽
年年開與後人看

除掃簷牙蕊更新寫生畫史筆精神風流最憶南湖老
百卅年來有替人

初冬郊廬作

越陌場如鏡懸林日似鉦寒鴉牛背影落葉馬蹄聲野
處民風古時和歲事成客心感霜露延佇不勝情

野拓三秋景天回十月春綠抽寒麥淺紅綴晚楓勻魚
賤調羹美秔香得酒醇始知田舍侶絕勝市朝人

戲題蘭巖花塢移情圖小照

九衢夢杳華胥國笑入溫柔鄉亦得綠陰庭院晝無塵
照眼花枝弄顏色隱囊紗帽玉堂仙偷得春朝片刻閒
蝶意不嗔鶯語鬧又分愁緒到雲鬟花事從來無月旦
背人且聽卿卿喚紅豆新詞付雪兒青箱故紙嗟風漢
頰上添毫鬢雪侵本來面目感升沉畫眉休憶張京兆
傲骨誰憐李翰林

村居

樹密圍廬井人稀隔市塵
斷鴻翻夕照老悖卧秋烟
物象占豐歲生涯賴薄田
擣衣砧杵急涼月一村懸

題初鴈園給諫種松書屋圖

買斷青山賦小園手栽千尺是靈根
杈桹自領風霜氣長養還資雨露恩
鶴駕秋停陰滿地濤聲晝捲翠當門
吟懷合伴蒼髯叟鬱鬱山苗莫共論

冬曉過張慕青前輩寓齋留飲時有關東校書之役賦送二首

城角聲喧

禁樹鴉最先犯曉過君家登堂暖趁三升酒
昨夜寒飛

六出花何必回頭看破甌祇應放手惜搏沙蓬山別後
年顏改疾景誰留赴壑蛇

隨身書局計王程紫氣當關策蹇行人以研經推馬鄭
天教老筆賦都京瑯嬛地迥青分簡鐵背山高翠壓城
斑鹿黃羊供醉飲不須鄉味憶南烹

是日食
南菜

輓樹堂司業

打門驚我夢模糊驚定猶疑信或誣纔見遶城騎駿馬
不成啼樹集寒烏廿年通籍窮難送一夕全歸病卻無
樹堂歿之前一日訪客城南歸猶挑燈課兒輩書及漏下三鼓端坐而逝慘是零丁小兒女
二更前尚挽爺鬚

珥貂奕葉識家風注命偏居磨蝎宮閣下萬言揮彩筆

殿前百步試琬弓

樹堂以翰林隨 鳳校射中三 賞戴花翎

得來歲月蹉

跼過嘗遍酸醎嗜好空縱使讀書艱食報不應身死蠹魚中

薤露聲中踏凍雲雪花三尺照孤墳何堪重對壚邊酒

不信應脩地下文盡室倉皇悲棟折故人零落歎芝焚

謂時泉芝軒諸公傷心一掬中年淚又倚寒風灑向君

歲暮書懷

藹藹扶桑寸寸暉隙駒過處日烏飛春風信遞迎年鼓
夜雪寒增御臘衣祭請比隣誇竈媚蓄多蠶韭說冬肥

世情百樣渾如許一笑回頭自掩扉

過時泥爪認模糊雲海分翔物態殊伏櫪嘶聲憐駿馬
失林孤影弔慈烏欲論交便傾肝膽不敢傷原愛髮膚
少日成名今向老自看身似舊桃符

蠟燕絲雞饋歲頻兒童翦絲鬪鮮新一年最好團圓節

半世纔逢磊落人

余因坦園姻家得交吉菴賢
棣握手傾心恨相見之晚

誰信築

臺猶避債只宜謀酒共迎春家門樂是多男子

吉菴坦
園各有

賢耶繞膝讀
書令人增羨摩頂相看愛石麟

七旬老母四旬兒獻歲椒盤一展眉健奉起居鳩共祝
愛均兄弟雁常隨浮名怕噉真如餅癖性難消尙有詩

一夜雞聲兩年景未妨聽到曉鐘時

除夕展拜 先嚴影像志痛

遺像懸瞻涕滿襟歲時消盡棘人心庭思獨立趨如昨

宦想纔歸養自今

先君於癸卯年始由豫省解組歸得以侍養晨昏

枉讀父書

生有愧不知泉路夢難尋一杯跪獻迎年酒縹緲靈光

或鑒臨